

故則令建立殊勝道場於道場中安立本尊如來形像及諸本尊菩薩形像一似世尊如佛在日授其正法是故阿闍梨於道場內與一切衆生及諸菩薩大乘人者四部衆等如佛在時依法授教入瑜珈三密三十支金剛三摩地祕密菩提聖性觀者是故諸菩薩等

及四部弟子比丘比丘尼優婆塞優婆夷善男子善女人若能志誠親授教已切須久乃堅持修習金剛正法如來祕密法藏是故則名如來弟子得授法已勤行精進六時不闕行道念誦則須傳授導引衆生一一付囑與深信善解大乘瑜伽三密三十支三摩地觀

祕密教法者阿闍梨亦復轉須接引衆生四部衆等令歸大乘祕密瑜伽三十密門三摩地則令一切衆生速達本源證自性清淨瑜伽祕密金剛菩提一性成道是人疾證阿耨多羅三藐三菩提故

是時大會衆等諸大菩薩聲聞緣覺及諸天

十九末

龍鬼神四部衆等比丘比丘尼優婆塞優婆夷今阿闍梨若與學教人欲授法者先須密授教旨三十觀門其金剛菩提法觀者在瑜珈祕密三摩地如來聖性品中是故一切大衆諸大菩薩一切衆生修學如來聖性觀行祕教者殷勤三請阿闍梨於大晏茶羅清淨

道場內准教結印口授祕契三密三十觀門者不應顯露唯當密授若是不依如來言教稱提顯露者不得聖力潛通佛智加被則被魔蔽障所修聖行不可得道尔時大衆聞佛所說咸皆歡喜大衆渴仰信受奉行

大乘瑜伽曼殊千臂千鉢經卷第五 义五

大乘瑜伽金剛性海曼殊室利臂千鉢經卷第六

真言等三藏沙門大廣智不空奉

詔譯 义六

尔時釋迦如來當與大衆一切諸大菩薩摩訶薩埵次第則說如來金剛聖性平等觀門第三云何次第得入平等門一者入跛字觀本真無染著離垢義寶生如來說法界真如

平等門就此門中演有二品一者說祕密歸止觀照法性決擇心地第五品已上一品教法於此教法觀照決擇心地品者合於道場內祕授心地法不應於此經顯說合在瑜伽聖性品中別說密授觀門二者後演有一切菩薩修學如來三摩地聖性潛通加被第六

品如來次第當且應說潛通加被品是時釋迦牟尼如來在大會道場一切大眾諸天等菩薩摩訶薩四部衆等大梵諸天等龍神八部等善男子善女人等見如來入於真如實際清淨法界三摩地放聖性三昧金色光照普賢菩薩法界性體身心相好支節身分一

一毛孔中皆有不可思議不可說不可說佛刹海藏一一海藏有微塵數諸佛出興于世有諸大菩薩衆所共圍繞諸佛世尊教導蒼生及一切諸大菩薩摩訶薩等又見如來入無依止毗盧遮那清淨法身等如虛空以智慧身現無量身普賢菩薩從如來無量智身

甚深解脫得無差別法性之身等入一切諸佛淨土聖性海藏而依所住皆是如來自在在聖力聖性法界神力無邊功德無量不可思議是時釋迦牟尼如來在大會中告諸菩薩摩訶薩四部衆等及諸比丘比丘尼善男子善女人并及一切衆生是故若有菩薩修於

出現徧往十方淨土承事諸佛入於諸佛法界出無量無邊不可思議自在神通法性智身住於無量一切智門以智光明善了諸法於諸法中得無所畏隨所演說窮未來際辯才無盡以大智慧開總持門慧眼清徹法眼無際入深法界達智慧境無有障礙亦無邊際究竟寂靜猶若虛空如是諸佛菩薩世界及兜率天宮諸大菩薩摩訶薩亦見普賢菩薩神通自在化現之相亦見彼一切佛淨土一切如來神變神通及諸菩薩如此諸佛菩薩皆與毗盧遮那如來於往昔時同種善根修菩薩道行普賢行願悉已悟入諸佛自在

身密勤行觀照者往昔普賢發廣大願入於衆生三密體性證修金剛三密門三十支三摩地觀者於一一支觀中入在衆生根本自性法界心性真如理智奮迅速疾加被安住證悟金剛三摩地是時普賢菩薩本願聖性金剛力智令一切衆生證得菩提解脫門

故是時釋迦牟尼世尊告言普賢菩薩汝常在金剛聖性法界諸佛法身不思議甚深祕密三摩地方便法海之中同一切如來聖性功德菩提海藏真如法界所謂有情衆生修行加持速達三密解脫法身證身印三昧祕密三摩地都有幾種門普賢言比來承佛聖旨言教修持三十祕密觀門世尊語普賢如是如是尔時釋迦如來自言有三十祕密觀門者且就第一身密十支觀門如來一一分析令修此觀則普賢菩薩與十大士菩薩重當稽首如來言云何有十種金剛聖性祕契身密十支菩提觀修證聖性三摩地門佛言

告語摩訶普賢當與十大士菩薩爲於上首同願修證聖性聖力加被入一切衆生心性身中與諸菩薩當爲上首引接有情悟入菩提云何名爲十種身密契印菩提三摩地觀解脫門一者名普吉祥威力菩薩摩訶薩入毗盧遮那大寂清淨智從清淨智出還入衆

火六

三

生自性三密識智有情心地同如來一切法界聖性諸佛菩提調伏衆生心聖性加持身印令速證得究竟出離生死苦海智身解脫門二者名爲殊勝道場髻王菩薩摩訶薩入佛聖力一一境界悉見諸佛如來性海淨土三昧普詣一切如來諮詢所修大乘祕密三摩地功德勝境法界加持入身密三摩地印成就法身無變異故得解脫門三者名大精進金剛臍菩薩摩訶薩入一切如來究竟寂滅三昧令入衆生性身密菩提得安立位一切菩薩地加持身印入三密門金剛三摩地普偏萬行諸大願故證法海如性解脫門四

者名青蓮華眼菩薩摩訶薩入一切佛心成正等覺三昧於三昧中普現微塵數法界如來無量妙法加持身印化現法身入衆生性成菩提種無障礙門五者名菩提幢菩薩摩訶薩證入如月瑩明清淨光明普現一切法界以無礙音門演悟入衆生智性得入三昧

四六

四

演說解釋微細祕密之義加持身印達令偏知法界聖性證見一切諸佛國土悉現清淨不可思議無差別智自在無障解脫門六者名無垢藏菩薩摩訶薩入諸佛智光明如來境界不動不轉真如智性三昧入一切諸佛微塵刹土中悉見無邊諸大菩薩盡能加持入於身印達衆生體性迅速疾證成就菩提神通自在境界解脫門七者名爲現一切如來神變摩尼王幢網垂覆髻菩薩摩訶薩入法界一相無差別慧光明三昧一念聖智加持身印現過去未來見在三世劫數成壞微塵數善惡之事悉皆平等真如清淨解脫門

三摩地觀加持身印入一切菩薩性智菩提三摩地廣大聖行方便願力令一切衆生速證無上菩提解脫門
余時普賢菩薩於如來前廣發大願已入于三昧與十大士菩薩爲於上首誓當行持大願安立菩提同在一切衆生身量佛性之中

與真如性海同爲一體加持一切菩薩摩訶薩入身印增進菩提是故普賢菩薩應時對如來前便入金剛法界性三昧海自於法性身量海中現微塵數佛性世界諸大菩薩及微塵數一切衆生而教導之復現如來在菩提樹下坐師子之座量等虛空徧周法界金

剛法海大寶蓮華如如性海之內當現示相總在普賢菩薩身中法性聖德慧智之中無有障礙殊勝聖力神通自在是時如來讚歎普賢大士菩薩善哉善哉能示現諸佛境界不思議力甚深微妙發無盡廣大行願諸佛功德性海三摩地如來大願故不可思議無

大六

五

有比量金剛聖性海不可說不可說故是時如來告淨德妙光菩薩摩訶薩汝當徧往諸佛法界性海菩提聖德道場諮詢一切如來秘密法門口密三摩地教法淨德妙光即與諸十大士菩薩摩訶薩爲於上首發廣大願行普賢行得入一切衆生種性身心性中聖

力加持口密證於心地慧辯無礙大智辯才口密真言印入十支三摩地觀者有幾種門淨德妙光大士菩薩摩訶薩則爲十大士菩薩稽首如來言有一切十方諸佛同聲共說口密真言印契三摩地觀加持有十種解脫門云何名爲十種法門得證入衆生體性疾

得無上正等菩提何者爲十 一者名廣演三世一切名字音聲菩薩摩訶薩入三摩地聖力加持口密印契入一切衆生清淨性中證普德最勝燈光焰照三昧得入一念中現無盡法界金剛慧照普勝佛性海三摩地速得成等正覺解脫門 二者名說一切衆生

菩提音菩薩摩訶薩入三摩地聖智加持口密印契入微塵數總持殊勝三昧得證教化阿僧祇劫微塵數衆生成熟不思議三摩地觀甚深秘密解脫門 三者名金剛智威力王菩薩摩訶薩入三摩地聖慧加持口密印契入普光師子王奮迅金剛幢三昧證得金

剛聖性持令修習菩薩勝福莊嚴諸佛淨土出生一切微塵數諸佛國土出現伽沙諸佛如來成就衆生解脫門四者名一切願海音寶王髻菩薩摩訶薩入三摩地聖性加持口密印契證入普妙寶燄妙光三昧得觀察諸佛神通自在無礙境界清淨法性正見正智無迷惑解脫門五者名智慧幢菩薩摩訶薩入三摩地聖德加持口密印契證入普勝功德海幢三昧得入於一切微塵佛刹蓮華海藏菩薩衆會法界道場中示現不思議神力清淨聖性入一切衆生心令證入如來法性淨土得諸佛慧海解脫門六者名佛種

火六

六

無相二種義一性平等於法界中加披一切菩薩證得一切諸佛如來神境通自性涅槃解脫門九者名說法無盡清淨辯才無礙智菩薩摩訶薩入三摩地聖境神力加持口密印契證入普門字輪無礙智用三昧加被一切菩薩摩訶薩得入一切法門如來秘藏不可說入一切衆生識性無礙慧皆得悟解辯才無有窮盡解脫門十者名轉法輪音髻菩薩摩訶薩入三摩地聖智言音加持口密印契證入金剛頂三昧加被一切菩薩摩訶薩得入隨順菩提八聖道是諸菩薩所謂行正見聖道遠離一切諸邪見故起正思惟

火六

七

捨妄分別心常隨順一切正智故常行正語
離語四過順聖言故常修正業教化衆令調
伏故安住正命頭陀知足威儀聖行審正隨
順菩提道行四智聖種入佛知見同如來佛
心世間十惡一切過失皆悉永離故起衆生
心令正精進勤修一切菩薩苦行入佛十力

無罣礙故心常正念悉能憶持一切正語聖
智言音除滅世間邪行世門邪命散動心故
心常正定得三種意生身善入諸佛菩薩不
思議解脫門

是時淨德妙光菩薩摩訶薩大士稽首作禮
向如來前入于三昧即普入一切諸佛平等

性法界海同於如來虛空聖性普能包納微
塵數十方法界三世諸佛一切菩薩摩訶薩
同入三昧入於衆生體性加持慧力悉令解
脫故是時十方諸如來共歎淨德妙光大士
菩薩善哉善哉能善加被聖力性入一切衆
生身心清淨智性進分菩提速成佛果故

是時世尊告海月光大明慧菩薩摩訶薩汝
當爲十大士菩薩摩訶薩爲於上首同令運
度一切衆生入毗盧遮那如來體性法界海
如來於法界性海中現百寶蓮華臺藏世界
其臺座上周徧有千葉一葉一世界爲千財
我化爲千釋迦跋千世界後就一葉世界復

有百億須彌山百億日月四百億四天下百
億南閣浮提百億菩薩釋迦牟尼佛在蓮華藏
世界寶座上坐寶蓮華

尔時釋迦如來共海月光大明慧十大士菩
薩同共證入毗盧遮那蓮華海藏法界體性
三昧慢令千百億世界中微塵微塵數阿僧

祇陀伽沙衆生達證真如法性三摩地佛性
海中如來令聖力加被增益一切衆生根本
自體聖性聖慧用入三摩地般若聖慧加持
速疾證得無上正等菩提是時一切大衆共
十大士海月光大明慧菩薩摩訶薩同共稽
首世尊如來海月光等菩薩言入佛三摩地

體性三昧者一切衆生得入此三摩地觀証不言語海月光大明慧善男子若有一切衆生能棄捨身命深信大乘則於此教門深當信受則得入此金剛三密觀門教法即是時十大士海月光大明慧菩薩等聖力潛加開悟意密令聖性聖力入一切菩薩摩訶薩意識

淨注中遠遊佛地疾證菩提云何名爲入瑜伽意密印契十支佛三摩地觀解脫門一者名曰現一切大願普智光耀如來境菩薩摩訶薩入意密印契證入三摩地觀者今此菩薩摩訶薩廣修福德聖力加持入大圓鏡智明月淨性三昧證得出生大明智入一切諸

大菩薩佛地除去煩惱三毒大病悉皆消滅證大智波羅蜜多能教化一切衆生莊嚴一切佛國淨土菩薩淨行善巧慧辯方便解脫門二者名爲法雲意海光無垢藏菩薩摩訶薩入三摩地觀聖德加被速疾增益善進巧便意密印契令聖力性入一切菩薩摩訶薩

證入勝慧雲音海光聖慧法藏三昧得念一念聖性中普入一切衆生體性種智方便般若無礙智性解脫門三者名須彌光覺菩薩摩訶薩入三摩地觀聖力加持意密印契速入一切性寂滅三昧令一切菩薩摩訶薩證入大智光明照啓其心思惟觀察見諸法性

乙六

九

得了悟一切言音陀羅尼得受持意密一切大寂解脫門四者名虛空寶藏無礙大慧菩薩摩訶薩入三摩地觀聖性加持意密印契令一切菩薩摩訶薩證迅疾入法界聖智性開敷蓮華三昧海得入一切菩薩疾悟證入諸法如虛空性入如來智日三昧常照其心於一切法無有分別了一切佛智悉皆平等於一切法中自在清淨解脫門五者名離染著覺菩薩摩訶薩入三摩地觀聖道加持意密印契令一切菩薩摩訶薩證清淨性聖智心量疾得如來印契三昧達悟灌頂法性三摩地速達自體真如本源自性如如解脫門

六者名無礙覺菩薩摩訶薩入三摩地觀聖性加持意密印契令一切菩薩摩訶薩證入三密法門令心速疾量等三摩地達悟入一切法界性海三昧入普賢妙行相續現前大願深心圓滿清淨勤求佛道得大智海攝諸衆生運度成佛能行大慈大悲大願解脫門

七者名普覺悅意聲菩薩摩訶薩入三摩地觀聖德聖性加持入意密契三摩地令一切菩薩摩訶薩證入聖智迅疾入無生觀門成就福德藏三昧得入一切諸佛境界無障礙慧令一切菩薩普得證一切佛功德海能入諸法寶相增進聖性聖智聖慧觀照諸佛法性解脫門八者名普照三世等覺智菩薩摩訶薩入三摩地觀聖智加持入意密印契心性真如實相迅疾證知一切衆生心意令一切菩薩摩訶薩及一切有情衆生得入菩提心聖行廣大殊勝之願得神通智三昧證入佛界入菩薩界入四聖界入大梵天王界入

諸天帝釋界入天龍八部界入四部弟子界入一切衆生九類有情界入為一體如上所說一切有情賢聖法界諸菩薩等達悟通同一性得證入無障無礙入佛心智慧神用自在解脫門九者名廣大力妙覺大量殊勝菩薩摩訶薩入三摩地觀照聖行加持意密印契令一切菩薩摩訶薩證入金剛智性疾入一性之中其身聖意徧證法界金剛慧燄三昧空無所得普入如來一切法界性海身意等於虛空無依無處速達救攝一切衆生體性本源自性海藏令速超佛地神通聖力疾證菩提解脫門十者名法界光明普覺聖智

十六

十

菩薩摩訶薩入三摩地觀聖慧力加持意密印契令一切菩薩摩訶薩證入真如實相速疾智證一切如來秘密法藏三昧海性得一念中能憶無量劫事於一念中悉知微塵數三世一切諸衆生根量智慧令速入一切陀羅尼門一切三昧門演說無邊諸佛深妙海

藏諸法秘密常轉不退清淨法輪令一切菩薩及諸衆生皆證得入諸佛境界聖性智慧光明三摩地入於殊勝聖慧甚深法藏秘密性海三昧解脫門是時海月光大明慧大士菩薩摩訶薩稽首預禮如來足佛神力故對世尊前入一切諸佛毗盧遮那如來海藏身

性三昧普得入於一切諸佛平等聖性普賢行願於法界中示現一切菩薩摩訶薩真際法性身相無形狀心同法界量體性等虛空得同如來法身性海三眼顯照一切諸佛大願大行無盡法海功德解脫門

少時釋迦如來讚歎海月光大明慧菩薩摩

火六

十一

訶薩善哉善哉普能示現證入毗盧遮那諸佛甚深微妙秘密法藏性海三昧無盡殊勝神通自在入衆生體性令得解脫殊特最不可思議故是時釋迦牟尼如來則告大士毘盧利言善男子若有行人求一切諸佛阿耨多羅三藐三菩提者是故諸菩薩摩訶薩及

諸聲聞衆四部弟子等善男子善女人應當入瑜伽三摩地有前方便毗盧遮那五智五頂金剛界道場除滅五蓋十纏障蔽心眼諸惡之罪者此人則令入是道場行道觀行六時禮懺大方等佛名經不休不歇阿闍梨與三時開決心地疑網行道禮念晝夜六時無有休息者其人入觀七日一食得證毘盧遮那智普賢行願若有行人被著魔障昏沉纏縛於道場內暫時迷悶休歇魔障蔽心者其人則不成菩提道果更不得入此道場待後別期方應得入世尊殷勤切當告示語諸修學菩薩行人等勿使空過徒遭疲勞其行道行

人晝夜六時不眠不睡過三七日者阿闍梨則與日日三時決擇心地得見心性清淨現前則得除去身心之中五蓋十纏煩惱重障則能堪與授法便得入於灌頂大清淨毘盧利大乘瑜伽三密門金剛三摩地

何以故是人學道者日日須三時漸次決擇然得成就金剛三摩地無上正等菩提聖道如來說言是故諸菩薩衆四部弟子比丘比丘尼善男子善女人等末法之代佛教難聞亦難值遇今時見聞早曾多劫修學所修行人一授以後更不得退轉離別阿闍梨常須

親近供養如來言語諸菩薩是故應知道場教授有四種義時處相應行相應說法相應其起造道場者當欲建立應湏有三重院若是地窪不堪三重亦得安置四門各有四天神王作為護界其道場中安本尊其壇四角置過伽香水瓶并置四門香案及置香鑑亦

十六

十二

安寶幢幡蓋四門燒然酥香油燈上置道場幡天寶蓋作八葉蓮華其道場內先須日日造新飲食於壇場內供養不絕其供養食入道場人衆僧等并授法教主阿闍梨並不得取食其食與不入道場人食即得是時釋迦如來告曼殊室利言善男子如來秘密之法

實難值遇末法之世難遇難聞若有教主阿闍梨不在受法道場內與人妾說如來秘密三摩地觀祕教法藏者此人好求名利誦誣妾說其人說者得四重之罪其聽者生生得道之罪墮入地獄永不聞正教之法是故四部衆等比丘比丘尼善男子善女人不應妾

說如來祕密之教若有一切菩薩四部衆等授得如來祕密妙法已則須常應四時不闕供養行道念誦坐觀常行精勤勿令懈怠是時如來說諸天魔幻惑種種相貌障修學人心眼聖道若有諸菩薩及四部衆等比丘比丘尼善男子善女人學此瑜伽三摩地教法者如是人等常當節食七日一食則得無畏不被天魔鬼神得便頻那夜迦入行人身心而作障難或對人目前出現種種相貌及夜夢境界現作佛形或施菩薩諸天梵釋形像或是龍神惡鬼形童男童女形諸天鬼神女形或聞空中異香或聞念佛羅尼或聞念佛

又六

十三

念法讚歎音聲或聞歌唱巧妙之聲或聞音樂之聲。爾時炳顯重當演說或令行者癡定不動或瞋或喜愛染見取分別執著或得口中美味如蜜或於閻室現明如日或現白光赤光諸惡蟲輩或令人足睡或令人無睡或令人聰明或令人闇鈍如此變異並是天魔

鬼神入心與行人而作障道境界因緣令遭行人有進有退不成道果死入魔宮令爲眷屬是故如來說顯切標魔幻變轉動念不得正定亦復入其人心妄作聰辯詐知宿命令見一切幻相前後生死之事善惡諸相魔作幻惑非關正智唯心示變莫取外緣修學行

人必不得於夢境界及現眼前取相執著動轉人心恐畏怕怖則被天魔鬼神之所障礙行人正見湏常諦觀心性見性寂靜心性無物是相莫取則無境界妄相因緣是故行人勤行精進實勿退轉懈怠懶墮則得速證無上正等菩提是時釋迦牟尼如來於舍衛國

中祇園精舍大道場會中告諸大菩薩摩訶薩一切大梵諸天王帝釋天衆龍神八部諸羅鬼神夜叉衆四部弟子比丘比丘尼善男子善女人衆爾時釋迦如來在大衆中入金剛寂智無心定三摩地三昧從三昧起放大慈大悲法性神光徧照三千大千世界大梵

諸天王衆菩薩摩訶薩四部衆等比丘比丘尼及諸天龍修羅鬼神衆及一切衆生等如來告示普令志求無上正等菩提者是故世尊告語諸大菩薩應是修學如來大乘瑜伽秘密金剛三摩地法教行人更湏入此道場脩入一切佛心金剛大智秘密法門觀

如是一切修行菩薩四部衆等比丘比丘尼等先當持鉢乞食於四威儀詳序而行次第乞已於施主家供養食訖還至本處澡浴清淨復入道場不得懶墮睡眠懈怠不勤斷絕休廢如是菩薩及四部衆等不依此法受師教戒者則不得成無上菩提諸佛道果故是

時釋迦牟尼如來在大衆會中告諸菩薩言
吾今說諸佛如來瑜伽金剛秘密聖性菩提
三摩地法教者如來起大悲智救攝有情令
一切菩薩修習聖性金剛菩提法觀是時一
切大衆諸大菩薩四部人衆天龍八部等聞
佛所說踊躍歡喜歡如來演不思議教法深

生慚愧得未曾有信受奉行

大乘瑜伽曇殊千臂千鉢經卷第六 父六

大乘瑜伽金剛性海曼殊利千臂千鉢大教經卷第七 父六

大興善寺三藏沙門大廣智不空奉 詔譯

余時釋迦牟尼如來說菩薩修行次位第四
云何次第得入淨土門一者入左字觀本淨
妙行義觀自在王如來說妙觀理趣淨土門
就此門中說有二品一者先演不思議法界

父七

乙

聖道如來真如法藏自在聖智第七品二者
後說有三賢菩薩入法位次第修行廻向菩
提第八品如來次第先當具說聖智品法門
余時世尊說一切菩薩修學大乘求無上正
等菩提者入四十二位修證三賢十聖地等
覺妙覺佛地者菩薩於大乘法中廣發大願
行菩薩道修入如來聖行菩提從地前次第
而學從此修習凡有二義云何有二一者外
凡二者內凡云何名爲外凡所爲菩薩持五
戒十善修諸業行學習六波羅蜜散心修持
得生天上亦生人間成有爲福受有漏快樂
故二者云何內凡所謂菩薩學習菩提無爲
無漏福次第修行位中學有三等何者爲三
一者下賢二者中賢三者上賢且初下賢菩
薩入十信者修學十信行得十住行相扶接
引爲信成就故次有中賢菩薩入十住者修
學十住行得十廻向相扶接引名爲解行成
就故三者上賢菩薩入十廻向者於加行位